



# RUDAR

**SRETNO**  
*u novoj 2016. godini!!!*



Laureati  
u 2015. godini

**PRIZNANJE DOBILO  
60 RADNIKA**

Termoelektrana

**Potpisan EPC ugovor  
i Sporazum o Strateškoj  
saradnji**

Povodom 21.  
decembra Dana  
rudara BiH

**Održana svečana sjednica  
Nadzornog odbora i  
Uprave Rudnika**

SVEČANA SJEDNICA NADZORNOG ODBORA I UPRAVE RMU „BANOVIĆI“ D.D. BANOVIĆI

## DOSTOJANSTVENO OBILJEŽEN DAN RUDARA U RUDNIKU „BANOVIĆI“

Obilježavanje 21. decembra Dana rudara BiH u rudniku „Banovići“ započelo je radničkim sportskim igrama, nastavilo se uz ispraćaj penzionera i prijem porodica šehida, te organizovanjem radničkih zborova. Istovremeno sa navedenim programom organizovani su i drugi kulturno zabavni sadržaji kako za rudare tako i za građane Banovića.

Svečana sjednica Nadzornog odbora i Uprave Društva održana 18.12.2015. godine samo je dio ovogodišnjeg bogatog programa obilježavanja Dana rudara BiH. Iskorištena je prigodna prilika za preliminarno sumiranje proizvodnih, finansijskih i sveukupnih rezultata poslovanja u ovoj godini kao i najavu poslovnih i razvojnih projekata u narednom periodu.

Na samom početku sjednice prisutnima se obratio direktor Rudnika dr. Munever Čerčić koji je uputio čestitke rudarima, te podsjetio na tešku poslovnu godinu i probleme sa kojim se Rudnik susreo, ali i na završne proizvodne rezultate.

- I pored svih problema, dobrom organizacijom uspjeli smo da postignemo zadovoljavajuće rezultate i dostignemo planirane ciljeve. I ovu godinu poslovati ćemo pozitivno sa oko dva miliona konvertibilnih maraka. Kao i do sada izmirili sve obaveze prema radnicima, državi i dobavljačima, rekao je dr. Munever Čerčić.

Spomenuo je i potpisani EPC ugovor po sistemu „ključ u ruke“ za izgradnju Termoelektrane Banovići vrijedan 405 miliona eura i Sporazum o Strateškoj saradnji između Rudnika i Dongfang Electric Corporation za termoelektranu Banovići. Do početka izgradnje ovog projekta ostalo je još da se potpiše ugovor sa bankom, ugovor sa osiguranjem i ugovor o vođenju bloka, što bi trebalo biti završeno do mjeseca juna naredne godine.





Prilikom čestitavanja na Dan rudara i da se obrati prisutnima iskoristio je i načelnik Općine Midhat Husić, rekavši da je čast biti načelnik jednog ovakvog rudarskog grada, da su općina Banovići i Rudnik jedno, jer je svima poznato da egzistencija skoro svakog građanina Banovića zavisi od Rudnika.

Čestitke za Dan rudara redale su se jedna za drugom.

Da je rudnik „Banovići“ najbolji rudnik, da ima najbolje rudare i rukovodstvo koje povlači prave poteze, mišljenja je predsjednik Samostalnog sindikata FBiH dr. Safer Mušanović, koji se takođe obratio prisutnima na sjednici.

Dan rudara u svoje ime i ime Vlade TK čestitao je i premijer Bego Gutić, istaknuvši da je ovo državni praznik koji treba posebno poštovati, a to je u Banovićima dugogodišnja tradicija. Govor je završio dobro poznatom rečenicom rahmetli predsjednika Alije Izetbegovića; *Ima ljudi koji ne poštuju predsjednike, ima ljudi koji ne poštuju hodže i popove, ali nema ljudi koji ne poštuju rudare.*

I zaista je tako.

Hvalili su rudare, Rudnik, postignute rezultate, ali svaki od njih posebnu zahvalnost uputio je jednom čovjeku. Složni su u jednom, dr. Mirsad Kukić je najzaslužniji što smo danas tu gdje jesmo, što Rudnik i općina Banovići posljednjih godina pišu pozitivne priče. Posebne zahvale upućene su za nesebično zalaganje u projektu izgradnje Termoelektrane Banovići, čiji je idejni tvorac.

Da je istinski lider i kreator svih stvari vrijednih pomena, te da je mnogo dao za ovaj grad i ljude znaju i rudari, koji su mu stalna i neizmjerena podrška. Dokaz tome je i gromoglasan aplauz na Svečanoj sjednici uz svaki pomen njegovog imena.

Program obilježavanja Dana rudara nije završen Svečanom sjednicom, održana je tradicionalna rudarska zabava i koncert izvorne muzike, a slavlje zatvoreno 21. decembra spektakularnim vatrometom ispred Radničkog doma.





TERMOELEKTRANA BANOVIĆI

## U KINI POTPISAN SPORAZUM O STRATEŠKOJ SARADNJI I EPC UGOVOR ZA IZGRADNJU TERMOELEKTRANE BANOVIĆI

U mjesecu novembru stigle su dobre vijesti iz Kine. Sada je već nepobitna činjenica da kreće realizacija kapitalnog projekta izgradnje Termoelektrane u Banovićima. Na četvrtom Samitu premijera NR Kine i zemalja Centralne i Istočne Evrope, na kojem su učestvovali i predstavnici BiH, potpisan je Sporazum o Strateškoj saradnji i EPC ugovor za izgradnju Termoelektrane Banovići između prethodno izabrane kompanije Dongfang Electric Corporation (DEC) i rudnika „Banovići“.

Na održanom Samitu, na kome je ispred rudnika „Banovići“ prisustvovao direktor dr. Munever Čerčić, potpisan je i okvirni Sporazum za finansiranje projekta izgradnje Termoelektrane Banovići blok 1- 350 MW između Industrijske i Komercijalne banke Kine (ICBC) i Rudnika. Bilateralnim razgovorima vođenim između predstavnika Rudnika i kineske banke utvrđena je sva potrebna dokumentacija, koju Stručna komisija i Konsultantska kuća već sada intenzivno pripremaju.

– Bude li se išlo dosadašnjim tempom prikupljanja potrebne dokumentacije već početkom naredne godine stvorit će se uslovi za predavanje zvanične aplikacije za finansiranje prema banci, ostaje još da potpišemo ugovor sa osiguranjem i ugovor o održavanju i vođenju bloka, što bi se trebalo završiti do mjeseca juna. Nakon toga počinjemo sa izgradnjom Termoelektrane, a gradnja će trajati oko 40 mjeseci, kazao je dr. Munever Čerčić.

Stručna komisija i Konsultantska kuća organizovat će pregovore sa bankom, gdje će ustanoviti tačnu formu ugovora o finansiranju Termoelektrane Banovići, koji pokriva 85% ukupne vrijednosti projekta.

Sporazum o finansiranju garancija je da će se u izgradnju Termoelektrane krenuti vrlo brzo, te da će ona zadovoljiti najviše evropske standarde. Pri izgradnji projekta koristit će se najnovije tehnologije čime se zasigurno ulazi u novu eru energetskog sektora na našim prostorima.

Razmatranje aplikacije trajat će nekoliko mjeseci, a pozitivan ishod garancija je da će izgradnja termoelektrane krenuti u predviđenom periodu, odnosno sredinom naredne godine. Definisani ugovor o finansiranju prije zvaničnog potpisivanja proći će proceduru Vlade i Parlamenta FBiH, a posljednju riječ dat će Skupština Društva.



SJEDNICA SKUPŠTINE RMU „BANOVIĆI“

## SKUPŠTINA DALA SAGLASNOST NA IZBOR STRATEŠKOG PARTNERA, SPORAZUM O STRATEŠKOJ SARADNJI I EPC UGOVOR

20. oktobra 2015. godine u 11h održana je dvadeset i druga redovna sjednica Skupštine Društva, na kojoj se odlučivalo o budućnosti izgradnje Termoelektrane Banovići. Naime, na dnevnom redu sjednice bile su zastupljene četiri tačke; izbor radnih tijela Skupštine, davanje saglasnosti na predloženi izbor ponuđača za Strateškog partnera, davanje saglasnosti na Ugovor o inženjeringu, nabavci i izgradnji (EPC ugovor „po sistemu ključ u ruke“) i davanje saglasnosti na Sporazum o Strateškoj saradnji između RMU „Banovići“ i Dongfang Electric Corporation. Sjednici su prisustvovala tri dioničara sa pravom glasa što je ispunilo uslove za nesmetano odlučivanje Skupštine. Nakon sačinjavanja izvještaja o rezultatima glasanja iskazana je potrebna podrška po svim tačkama dnevnog reda od 99,98 %.

Skupština Društva dala je svoju konačnu riječ ali i vjetar u leđa Rudniku za historijski korak prema najvećem dosadašnjem projektu izgradnje Termoelektrane u Banovićima. Predstavnici Rudnika i DEC-a potpis na EPC ugovor i Sporazum o Strateškoj saradnji stavili su na Samitu 16+1 održanom u Kini.



JOŠ JEDNA USPIJEŠNA GODINA IZA NAS

## 70. GODINU POSTOJANJA RUDNIKA DOČEKUJEMO SPREMNI ZA HISTORIJSKE KORAKE

Sa maksimalnim angažovanjem radnika i dobro srazrađenim planom rukovodstva Rudnika i ove godine bit će ispunjeni planovi na proizvodnji uglja i otkrivke, potvrdio je na Svečanoj sjednici direktor dr. Munever Čerčić.

Zbog izuzetno teške poslovne godine i zastoja na Separaciji bio je otežan rad na proizvodnji, a u jednom momentu dovedeno u pitanje i ispunjenje plana. Međutim, stvari su krenule nabolje, posebno u posljednjih nekoliko mjeseci kada je proizvodnja na uglju prelazila planirane veličine.

Proizvodnja uglja u mjesecu oktobru išla je 6% preko plana, odnosno proizvedeno je 157.788 tona separisanog uglja, a realizovano 848.765 metara kubnih otkrivke. I mjesec novembar prate pozitivni rezultati, proizvedeno je 141.912 tona separisanog uglja i 922.015 metara kubnih otkrivke.

Da se i ovih dana vrijedno radi pokazuju rezultati proizvodnje u mjesecu decembru. Za 21 dan proizvedeno je 105.985 tona separisanog uglja i realizovano 554.220 metara kubnih otkrivke, što je naznaka da će projekcije za decembar biti premašene.

Nekoliko dana pred kraj godine parametri pokazuju da ćemo godinu završiti sa planiranom proizvodnjom na uglju.

Ovakvi proizvodni rezultati garancija su da ćemo u poslovnu 2016. godinu ući pripremljeni, te uz ispravnost postojeće mehanizacije i one koja se tek planira nabaviti, biti potpuno spremni za nove poslovne izazove. Naredna godina je vrlo posebna za nas. Slavimo 70-tu godinu postojanja Rudnika, koju ćemo iskoristiti za pisanje historije. Krupnim koracima idemo ka novim proizvodnim planovima, testovima i izazovima za dodatni razvoj preduzeća.



ISPRAĆAJ PENZIONERA RUDNIKA „BANOVIĆI“

# PENZIONISANO 112 RADNIKA

**R**MU „Banovići“ d.d. Banovići organizovao je svečani ispraćaj za 112 radnika koji su svoj radni vijek završili u 2015. godini. Uz tradicionalni ručak i muziku uručeni su i prigodni pokloni. Rudarski štap i sat postali su zaštitni znak rudničkih penzionera.

Predstavnik Rudnika Emir Rahmanović iskoristio je priliku da im se zahvali za angažovanost i doprinos preduzeću, naglasivši da je svaki od njih na svoj način doprinio današnjim poslovnim uspjesima. U ime Rudnika poželio im je puno zdravlja i redovnu zasluženu penziju.

Za njih definitivno počinje novo vrijeme, koje stvara nove prilike i nove navike. Vrijeme koje mogu iskoristiti samo za sebe, bez stalne obaveze i ustaljenog rasporeda. Ipak na ovom posljednjem zajedničkom druženju suze nisu izostale.

Svi oni gaje iste emocije, i uglavnom slično odgovaraju na postavljena pitanja.

- U ovom Rudniku proveo sam više od 34 godine radeći u pogonu „Podzemna eksploatacija uglja“. Kroz sve godine rada bio sam zadovoljan svojim poslom, a evo i danas kad smo svi na okupu shvatam da smo zaista i imali razloga biti zadovoljni. Radili smo u jednom velikom preduzeću, imali redovne plate, tople obroke i regres. Time se nažalost danas rijetko koje preduzeće može pohvaliti, rekao nam je Vež Zenunović.

Tokom četiri decenije provedene na poslovima glavnog referenta planiranja kadrova na zasluženi odmor otišla je i Kadira Brkić. I nju će za Rudnik vezati samo lijepe uspomene.

- Što se tiče godina, prošle su kao dlanom o dlan. Prestala sam sa radom prije nekoliko sedmica ali tek danas osjećam posebno uzbuđenje. Danas mi je najteže. Sa sobom ću ponijeti samo lijepe uspomene, dobre odnose sa šefom, službom i svim kolegama, u razgovoru je iznijela Kadira.

Na Separaciji četrdeset godina radio je Mehmed Lisičić, koji je zadovoljan preduzećem u kojem je radio ali i zaslužnim odlaskom u penziju.

- Drago mi je što sam bio dio ovako velikog i uzornog kolektiva. Zahvalan sam im na razumjevanju i korektnom odnosu svih ovih godina. Posebno mi je drago što u penzionerskim danima koji dolaze neću razmišljati da li ću dobiti i da li imam pravo na penziju.



Sasvim je sigurno da će svaki od njih dobiti zasluženu penziju, jer je rukovodstvo Rudnika na vrijeme razmišljalo o tome, redovno plaćajući penziona i zdravstveno osiguranje radnika.

Poslije toliko godina rada ovi ljudi su nam najbolji svjedoci kakvu revoluciju je doživjelo preduzeće

posljednjih godina, od napornog fizičkog rada lopatama i krampama do perioda kada se dobar dio poslova obavlja pritiskom tastera moderne tehnologije.

I ovog puta bili smo svjedoci uspješnog zatvaranja jednog životnog poglavlja, ispraćenog uz čestitke, muziku i suze.



Vejz Zenunović



Kadira Brkić



Mehmed Lisičić

PRIJEM ZA PORODICE ŠEHIDA I POGINULIH RADNIKA RUDNIKA

## I OVE GODINE DOSTOJANSTVENO ODATA POČAST ŠEHIDIMA OPĆINE BANOVIĆI

Prijem članova porodica šehida i poginulih radnika Rudnika samo je jedan u nizu događaja organizovanih povodom 21. decembra Dana rudara BiH. Tradicionalni ručak upriličen je za 76 članova porodica.

Na samom početku okupljanja članovi porodica zajedno sa predstavnicima Rudnika položili su cvijeće i proučili Fatihu na Centralnom spomen-obilježju ispred Radničkog doma. Ovo je bila prilika da se još jednom na dostojanstven način prisjeti onih koji su za ovu Općinu i državu dali živote, te iskaže zahvalnost članovima njihovih porodica. Ispred Rudnika prisutnima se obratio predsjednik komisije za prijem porodica šehida i poginulih radnika Emir Rahmanović, rekavši da Rudnik osjeća obavezu da se bar malim dijelom oduži porodicama za njihovu žrtvu, te da menadžment i dalje vodi posebnu brigu o djeci šehida kroz prednosti stipendiranja i zapošljavanja.

Ovo okupljanje svaki put iznova podsjeća na teške trenutke, ali je i dokaz da oni koji su dali živote za ovu državu nisu zaboravljeni.

Porodicama su uručene simbolične novčane pomoći u iznosu od 50 konvertibilnih maraka.





URUČENE NAGRADE LAUREATIMA

## NAGRADE DOBILI I „ZASLUŽNI ČLANOVI DRUŠTVA“

Na Svečanoj sjednici održanoj 18.12.2015. godine povodom 21. decembra Dana rudara BiH proglašeni su „Zaslužni članovi Društva“. Ove godine njih osam dobilo je najviše počasno zvanje, i to: Kurtić (Suljo) Nedžad, Jamaković (Mujaga) Almir, Varešević (Hašim) Mihret, Numanović (Mujo) Sadik, Rahmanović (Šemso) Džafer, Softić (Arif) Zijad, Kukić (Alija) Suljo, Avdić (Muhamed) Ekrem. Zaslužni članovi Društva pored priznanja počašćeni su i novčanom nagradom u iznosu od 1.000 konvertibilnih maraka.

Odlukom Uprave Društva dodijeljene su i Plakete za doprinos u radu i ostvarenju planskih zadataka RMU „Banovići“ d.d. Banovići za pedeset i dva zaposlenika. Iz pogona „Podzemna eksploatacija uglja“ Plakete su dobili: Džinić (Salih) Nusret, Lević (Mehmed) Rasim, Brkić (Nuraga) Ahmed, Lonić (Memiš) Enes, Sarić (Ibrahim) Jasenko, Salihbašić (Ibrahim) Miralem, Dostović (Faruk) Dževad, Hasić (Rasim) Mihret, Gačanović (Ramo) Ramiz, Bojić (Osman) Ramiz, Abdulahović (Ešef) Damir.

Laureati iz pogona „Površinska eksploatacija uglja“ su: Bećarević (Ramo) Senad, Musić (Alija) Musa, Mujkić (Hasib) Nuraga, Alispahić (Šaban) Husein, Pirić (Ibrahim) Nihad, Okačić (Šahim) Admir, Kovačević (Sulejman) Bajro, Rahmanović (Đulaga) Nazif, Bečić



(Alija) Enver, Softić (Ćamil) Enes, Šehić (Ramo) Husein, Nurković (Mehmed) Mustafa, Kukić (Alija) Hasan, Rahmanović (Mustafa) Đulaga, Modrić (Halil) Ramiz, Šahbazović (Sulejman) Omer, Đerzić (Alija) Mehmed, Sejdinović (Sulejman) Mihret, Kovačević (Suljo) Nezir.

Iz pogona „Separacija“ priznanja su dobili: Čolić (Memo) Alija, Saletović (Ahmo) Haris, Lapandić (Kadrija) Nezir, Rahmanović (Abdulah) Mevludin, Bošnjaković (Hamid) Ismet, Đerzić (Kasim) Safet, Brčaninović (Mehmed) Zirajet i Čehajić (Džemal) Nermin.

Priznanje za doprinos dobili su i zaposlenici pogona „Željeznički transport“, i to: Husić (Arif) Mustafa, Brigić (Husein) Vahid, Kovačević (Sulejman) Osman, Jahić (Suljo) Hasan i Gutić (Ibrahim) Nezir.

Iz pogona „Direkcija“ Plaketa je uručena: Husić Mustafi, Alić Ismetu, Mujić Nermini, Hodžić Jusufu i Čehajić Muzafetu.

Nagrađeni su i zaposlenici „Društvenog standarda“. Plakete su dobili: Rahmanović Šemso, Šehić Šaha i Salkić Nizama.

Dobtnici Plaketa za doprinos u radu Rudnika dobili su novčanu nagradu u iznosu od 500 konvertibilnih maraka.



DAN RUDARA KROZ PRIZMU NAJMLAĐIH

**FESTIVAL „NAŠI RUDARI – NAŠA BUDUĆNOST“**

U sklopu festivala „Naši rudari – naša budućnost“ povodom Dana rudara ove godine svoj doprinos u obilježavanju dali su i mališani iz osnovnih škola općine Banovići, u organizaciji JU „Biblioteka“ Banovići. Na prvom festivalu ovakve vrste publici su se predstavili učenici osnovnih škola Banovići, Treštenica, Seona, Banović Selo, Grivice i učenici Srednje mješovite škole Banovići.

Cilj festivala je da mladi ljudi kroz recitacije, pjesmu, ples i glumu izraze ljubav prema rudarima i prema ovom rudarskom gradiću.

Tokom dva dana koliko je trajao festival, sala BKC-a bila je ispunjena do posljednjeg mjesta, što je svakako dovoljan pokazatelj da ovaj festival u budućnosti zaslužuje svoje mjesto u programu obilježavanja Dana rudara rudnika „Banovići“.

U sklopu programa obilježavanja organizovan je i natječaj za najbolju fotografiju sa motivima Rudnika, najboljeg literarnog rada i likovnih radova za sve učenike osnovnih i srednjih škola općine Banovići. Nagrađeni su Edin Haskić, Lejla Kasumović, Ervin Golić, Mirela Blažević, Lejla Đerzić, Aldin Sarić i Belmin Behrić.

**MEĐUNARODNI MALONOGOMETNI TURNIR**

Preko 700 mališana u kategoriji 2004. 2005. 2006. i 2007. godište odigralo je prvi međunarodni turnir u organizaciji Škole fudbala „Budućnost“ Banovići. Turnir je organizovan povodom Dana rudara, a prvi put učešće na turniru uzele su i fudbalske ekipe iz Srbije. 55 ekipa pokazalo je dobar fudbal i zavidno nogometno umijeće sva četiri dana trajanja turnira. Mališani su bili oduševljeni pruženom prilikom da igraju sa vršnjacima iz druge države pred punom salom Sportske dvorane u Banovićima.

Ekipe škole „Budućnost“ Banovići ostvarile su dobar rezultat, osvojivši prvo mjesto u kategoriji 2004. godište, drugo mjesto osvojila je ekipa 2006. godište i treće mjesto 2005. godište.

Rudnik „Banovići“ kao generalni sponzor dao je maksimalnu podršku ovim projektima.



# PRELAZNI PEHAR PONOVO NA POVRŠINSKOJ EKSPLOATACIJI

**D**odjelom priznanja i proglašenjem pobjednika u pet različitih disciplina završeno je sportsko takmičenje organizovano povodom 21. decembra Dana rudara BiH. Učešće u takmičenju uzeli su predstavnici svih organizacionih jedinica Rudnika, a nadmetali su se u malom nogometu, povlačenju konopca, stonom tenisu, šahu i kuglanju.

Prelazni pehar, nakon dvije godine, ponovo je vraćen na „Površinsku eksploataciju“. Drugo mjesto u sveukupnom poretku zauzela je „Separacija“, a treće mjesto pripalo je pogonu „Željeznički transport“. Takmičarskog duha nije nedostajalo ni na terenu ni na tribinama. Kolege i građani Banovića bodrili su sve timove, a najviše pažnje su im privukle utakmice u malom nogometu i povlačenju konopca.

Prvaci u malom nogometu su takmičari sa „Površinske eksploatacije“ a zatim slijede takmičari iz „Podzemne eksploatacije“ i „Direkcije“. Nisu izostala ni pojedinačna priznanja, koja su ove godine dobili Ramić Maid za najboljeg pojedinca u malom nogometu, Softić Eldin za najboljeg strijelca i Sejdinović Dževad za najboljeg golmana. Najbolji stonotenisač je Amir Kuranović, najbolji šahista Enes Trumić, dok je najbolji pojedinac u kuglanju bio Mirsad Delagić. Priznanje za doprinos u razvoju kuglanja pripalo je Ibrahimu Berbiću.

Već tradicionalno najbolji konopaši su učesnici „Podzemne eksploatacije“, dok su u daljnjem poretku ekipe „Separacije“ i „Željezničkog transporta“. Separaciju ove godine na vrh su doveli šahisti, a iza njih su šahisti iz „Željezničkog transporta“ i „Površinske eksploatacije“.

Ekipe sa „Površinske eksploatacije“ osim u fudbalu ubjedljivo su bile najbolje u stonom tenisu i kuglanju, te možemo reći da pehar ove godine zaslužen odlazi na kopove.





# PROGRAM OBILJEŽAVANJA DANA RUDARA RUDNIKA "BANOVIĆI"

[www.rmub.ba](http://www.rmub.ba)

**RUDAR informativna novina radnika  
RMU "Banovići" d.d. Banovići**

**Uređuje redakcioni odbor:**

Samir Numanović, predsjednik  
Amela Kantić, urednica  
Melisa Čaušević, novinar- saradnik  
Fertik Glibanović  
Amir Halilčević  
Salko Gutić  
Rasim Užičanin  
Šehval Lapandić

**DTP i štampa: "OFF SET" Tuzla**

Riješenjem Republičkog komiteta  
za informacije broj 04-651-537/77  
od 6.9.1977.

List je uveden u Registar štampe R BiH.

**E-mail:** kontakt@rumb.ba  
nadzorni.odbor@rumb.ba





# SBERBANK

## Odaberi svoju ratu!

Iz ponude za Vas izdvajamo:

- Vaša plaća na tekući račun u Sberbank BH - Banka Vam brzo i jednostavno odobrava iznos dopuštenog prekoračenja i/ili limite po kreditnoj kartici u visini do 500% mjesečnih primanja po tekućem računu,
- neograničena ATM mreža za debitne kartice na svim bankomatima u Bosni i Hercegovini (bez naknade za podizanje gotovine).

### ZAMJENSKI KREDIT – Još bolja ponuda!

Sberbank BH je partner sa kojim se osjećate posebno i koji vam uvijek pruža više!

Iskoristite jesenju akciju, objedinite postojeće obaveze u jedan Zamjenski kredit i ostvarite vaše planove.

Rok otplate	do 12 godina
Iznos kredita	Od 3.000 KM do 60.000 KM
Kamatne stope, Efektivna kamatna stopa (EKS)	već od <b>5,99%</b> promjenjiva* EKS <b>7,40 %**</b>
Valutna klauzula	Kredit je u ponudi bez i sa valutnom klauzulom (EUR). Više informacija kod vašeg bankara.
Dodatna pogodnost	Bez naknade korištenje paketa proizvoda Classic Plus za prvih 6 mjeseci

Iznos kredita u KM	Mjesečni iznos anuiteta u KM			
	60mj.	84mj.	120mj.	144mj.
20.000	388.04	302.61	232.86	221.48
30.000	580.59	452.45	347.82	330.75
50.000	965.68	752.11	577.73	549.28



### MASTERCARD kreditne kartice

MasterCard revolving kreditna kartica i MasterCard Gold kreditna kartica pružaju mogućnost plaćanja roba i usluga kao i podizanje gotovine širom svijeta do visine odobrenog limita.

- ✓ Jednostavno i sigurno plaćanje
- ✓ Plaćanje roba i usluga - bez naknade
- ✓ Atraktivni limiti

Više informacija možete dobiti u poslovnici BANOVIĆI, ili na broj telefona

035/871-416 i 871-41, Samir Džuzdanović, Bankar za fizička lica, email: [samir.dzuzdanovic@sbarbank.ba](mailto:samir.dzuzdanovic@sbarbank.ba)

#### NAPOMENA:

1. Ponuda vrijedi od 09.11.2015. godine do 31.12.2015. godine.  
*Banka zadržava pravo da ograniči rok važenja ponude.*
2. Ponuda je indikativnog karaktera, a detaljne informacije možete dobiti od vašeg bankara.

Sberbank BH,  
Vaša Priča, Vaša Banka

\*Promjenljivi element nominalne kamatne stope predstavlja 12-mjesečni Euribor, koji objavljuje Evropska Centralna banka.

\*\*Efektivna kamatna stopa (EKS) je stopa koja odražava ukupne troškove po kreditu, uključujući redovnu kamatu, naknadu za obradu, naknadu za administraciju kredita, naknadu za grace period, troškovi Riziko životnog osiguranja, trošak pribavljanja mjenice.